



Rënia në praninë e Perëndisë.

(1.13 – Falling In The Presence of God.)
(Shkrimet nga ALBB)

A. Historiku.

Fuqia e energjisë elektrike ka qenë gjithmonë në dispozicion që kur Perëndia krijoi universin, por duhej të zbulohet dhe kontrollohet, dhe njeriu nuk e dinte se si ta bënte këtë, por sot gëzojmë përfitimet e këtij zbulimi - **ajo ka qenë gjithmonë aty!**

Elektriciteti është fuqia e Perëndisë në **sferën natyrore** - Ai është autori i çdo gjëje në të natyrshmen.

Fryma e Shenjtë është fuqia e Perëndisë në **sferën frymërore**.

A e ke kapur ndonjëherë energjinë elektrike? Do të të trondisë dhe flokët do të ngrihen përpjete dhe do përplasesh përtokë, pse? - sepse ke marrë një pushtet të padukshëm.

- Nuk ishte **e pandjeshme** - por ishte **e padukshme** dhe **e padëgjuar**.

Në sferën frymërore ekziston një fuqi mbinatyrore e Perëndisë e cila është e padukshme dhe e padëgjuar. A mendon se është më pak e fuqishme se energjia elektrike? Jo, nuk është.

Pse njerëzit bien nën fuqinë e Perëndisë? *Kur natyralja bie në kontakt me të mbinatyrshmen - diçka duhet të ndodhë.*

Të dhënat e Historisë së Kishës.

Në takimet e **John Wesley**, themelues i metodizmit - qindra njerëz "**binin nga fuqia**" siç u bë e njohur.

- Në autobiografinë e **Charles Finney**, një prezbiterian, ai kujton një nga mbledhjet e tij ku ai ishte duke predikuar, **njerëzit filluan të binin mbi dysheme** dhe pas një kohe mbi 400 njerëz ishin në dysheme nën fuqinë e Perëndisë, atëherë ata **u lindën përsëri**.
- Në takimet e **George Whitfield**, një bashkëpunëtor me John Wesley, njerëzit gjithashtu **binin nën fuqinë e Perëndisë**.
- Në autobiografinë e **Peter Cartwright**, një predikues metodist, njerëzit binin nën fuqinë e Perëndisë ndërsa ai predikonte në mbledhje - **si rezultat njerëzit u shpëtuan!**

Pse ndodhin këto gjëra?

Njeriu pa Perëndinë është i vdekur shpirtërisht, dhe kjo është arsyeja pse Perëndia e dërgoi Jezusin poshtë në tokë.

Gjoni 14: 9

*9 Jezusi i tha: "Ka kaç kohë që unë jam me ju dhe ti nuk më ke njohur akoma, o Filip? Kush më ka parë mua, ka parë Atin; Si vallë po thua: "Na e trego Atin? Njerëzit mund ta shihnin Jezusin **me shqisat e tyre fizike**.*

- Njerëzit mund ta shihnin Jezusin **me shqisat e tyre fizike**.
- Njerëzit mund të shihnin mrekullitë që bëri dhe gjithashtu **të shihnin Perëndinë duke vepruar**
- Ne nuk mund ta shohim Frymën e Shenjtë, ashtu siç nuk mund të shohim erën, por mund të shohim rezultatet e erës.
- Perëndia bën disa gjëra në **sferën e të ndjerit** kështu që **njerëzit të mund ta shohin**.
- **Ai e tregon fuqinë e Tij për të lejuar njerëzit të dinë se Ai është duke vepruar**



Rënia në praninë e Perëndisë.

B. Lavdia e Perëndisë e manifestuar.

Në disa takime të shërbëtorëve të mirënjohur të ungjillit, ata flasin për një **re lavdie** që vjen mbi kongregacionin, **ku njerëzit fillojnë të bien**, duke qenë brenda dhe **nën ndikimin e Perëndisë** (si Ezekieli 1:28, 2: 1-2 ata po përjetonin lavdinë e Perëndisë).

Dëshmitë e njerëzve që kanë rënë nën fuqinë, kanë deklaruar se sa shpesh kanë ndodhur dy gjëra;

- Ndërsa fuqia e Perëndisë vjen mbi ta, ata bien dhe vijnë në kontakt me Perëndinë në një mënyrë që ata kurrë nuk e kanë patur më parë, ndonjëherë ata kanë një vizitë nga Jezusi, etj. Koha që ata janë mbi dysheme mund të zgjasë nga disa minuta në disa orë.
- Fuqia e Perëndisë dëboi çdo demon ose shëroi çdo sëmundje apo problem fizik.

C. Është rënia nën fuqinë biblike?

Përgjigja është po.

Gjoni 18: 1-6

*1 Mbasi i tha këto gjëra, Jezusi doli me dishepujt e vet dhe shkoi përtej përroit të Kedronit, ku ishte një kopsht, në të cilin hyri ai me dishepujt e tij. 2 Dhe Juda, i cili po e tradhtonte, e njihte edhe ai atë vend, sepse shpesh herë Jezusi tërhiqej atje me dishepujt e tij. 3 Atëherë Juda mori një grup ushtarësh dhe rojat e dërguara nga krerët e priftërinjve dhe nga farisenjtë, erdhi atje me fenerë, pishtarë dhe me armë. 4 Atëherë Jezusi, duke ditur gjithçka që do t'i ndodhte, doli dhe i pyeti: "Kë kërkoni?". 5 Ata iu përgjigjën: "Jezusin Nazareas". Jezusi u tha atyre: "Unë jam!". Por Juda, që po e tradhtonte, ishte edhe ai me ta. 6 Sapo ai u tha atyre: "Unë jam", ata u zbrapsën **dhe ranë për dhe**.*

- Njerëzit mund të thonë se kjo ishte në prani të Jezusit. Jezusi tha tek Mateu 18: 20 ...

Mateu 18:20

20 Sepse, kudo që dy a tre janë bashkuar në emrin tim, unë jam në mes të tyre" Nëse njerëzit binin mbrapsht në prani të Jezusit, atëherë pse nuk mund ta bëjnë këtë tani? Ai është këtu!

Mateu 28: 1-4

*1 Tani në fund të së shtunave, kur po zbardhte dita e parë e javës, Maria Magdalena dhe Maria tjetër shkuan për të parë varrin. 2 Dhe ja, ra një tërmet i madh, sepse një engjell i Zotit zbriti nga qielli, erdhi dhe e rrokullisi gurin nga hyrja e varrit dhe u ul mbi të. 3 Pamja e tij ishte si vetëtimja dhe veshja e tij e bardhë si bora. 4 Dhe nga frika e tij, rojet u drodhën **dhe mbetën si të vdekur**.*

- Këta ishin ushtarë, njerëz të fortë.
- Kjo do të thotë se ata ranë, a keni parë ndonjëherë një njeri të vdekur që ngrihet lart?

Mateu 17: 1-6

*1 Mbas gjashtë ditësh Jezusi mori me vete Pjetrin, Jakobin dhe Gjonin, vëllanë e tij, dhe i çoi mbi një mal të lartë, në vetmi; 2 dhe u shpërfytyrua përpara tyre: fytyra e tij shkëlqeu si dielli dhe rrobat e tij u bënë të bardha si drita. 3 Dhe ja, iu shfaqën atyre Moisiu dhe Elia, të cilët bisedonin me të. 4 Atëherë Pjetri, duke marrë fjalën, i tha Jezusit: "Zot, është mirë që ne jemi këtu; po të duash, do të ngremë këtu tri çadra: një për ty, një për Moisiun dhe një për Elian". 5 Ndërsa ai fliste akoma, ja një re plot dritë i mbuloi; dhe nga reja u dëgjua një zë që thoshte: "Ky është Biri im i dashur, në të jam kënaqur: dëgjojeni!". 6 Dhe dishepujt, sapo e dëgjuan këtë, **ranë me fytyrë për tokë** dhe i zuri një frikë e madhe.*



Rënia në praninë e Perëndisë.

- Kjo ndodhi në Malin e Shpërfytyrimit, kur Perëndia foli ata ranë nën fuqinë - nuk është çudi që kur Ai shfaqet sot mes nesh njerëzit bien.

Veprat 9: 4

4 Dhe, si u rrëzua për tokë, dëgjoi një zë që i thoshte: "Saul, Saul, përse më përndjek?"

Veprat 26:14

14 Mbas të gjithë në ramë për tokë, dëgjova një zë që po më fliste dhe më tha në gjuhën hebraike: "Saul, Saul, pse më përndjek? Është e rëndë për ty të godasësh me shkelm kundër gjembave".

- Veprat 9 tregojnë për kthimin e Saulit në rrugën për në Damask, ku ai ra në tokë.
- Veprat 26:14 thotë se të gjithë ranë, por të tjerët nuk morën ndonjë gjë, por prapë se prapë ata ranë. **Pse? Ata ranë në kontakt me të mbinatyrshmen.**

D. Shkrimet e shenjta mësojnë tre lloje rënieje

1. Rënia vullnetare.

Luka 17:16

16 Dhe ra përmbys me fytyrë për tokë te këmbët e Jezusit, duke e falënderuar. Ky ishte samaritan.

- kjo është kur ne biem në gjunjë ose me fytyrë vullnetarisht para Perëndisë, për të adhuruar, për t'u lutur, për të ndërmjetësuar dhe për të falënderuar.

2. Rënia nën një barrë të rëndë të lutjes.

Mateu 26: 36-39

*36 Atëherë Jezusi shkoi bashkë me ta në një vend, që quhej Gjetsemani, dhe u tha dishepujve: "Uluni këtu, ndërsa unë po shkoj aty të lutem". 37 Dhe mori me vete Pjetrin dhe të dy djemtë e Zebedeut, dhe **filloi të ndiejë trishtim dhe ankth të madh**. 38 Atëherë ai u tha atyre: "Shpirti im është thellësisht i trishtuar, deri në vdekje; qëndroni këtu dhe rrii zgjuar bashkë me mua". 39 Dhe, si shkoi pak përparara **me fytyrë për tokë**, dhe lutej duke thënë: "Ati im, në qoftë se është e mundur, largoje prej meje këtë kupë; megjithatë, jo si dua unë, por si do ti".*

- një barrë e rëndë e ndërmjetësimit mund të bjerë mbi ty dhe të bëjë që ti të biesh me fytyrë.

3. Kur je i pushtuar nga prania e Perëndisë.

Ezekieli 1:28 dhe 2: 1-2

*28 Ashtu siç është pamja e një ylberi në re në një ditë shiu, kështu ishte pamja e atij shkëlqimi që e rrethonte. Ajo ishte **një shfaqje e shëmbëlltyrës së lavdisë të Zotit**. Kur e pashë, u rrëzova me fytyrë dhe dëgjova zërin e dikujt që fliste. 1 Dhe më tha: "O bir njeriu, **çohu më këmbë**, dhe unë do të të flas". 2 Ndërsa ai më fliste, Fryma hyri tek unë dhe më bëri të çohem më këmbë, dhe unë dëgjova atë që më fliste.*

- Ezekieli kishte një pamje hyjnore.
- Ai ra nën fuqinë dhe Fryma e Shenjtë e ngriti përsëri.
- Njerëzit mendojnë se është e lezetshme kur njerëzit bien, prit kur të shohim Perëndinë duke i ngritur përsëri në këmbë.
- Pse u rrëzua ai? Ai u pushtua nga prania e Perëndisë.
- A e vure re se çfarë pa ai? Ai tha se pa "**një shfaqje të shëmbëlltyrës së lavdisë të Zotit**".



Rënia në praninë e Perëndisë.

Kur ata i përkushtuan Tempullin e Solomonit.

2 Kron.5:13-14

13 dhe kur trumbetarët dhe këngëtarët si një njeri i vetëm bënë të dëgjohet bashkërisht zëri i tyre për të lëvduar dhe për të kremtuar Zotin dhe e ngritën zërin në tingullin e borive, të cembaleve dhe të veglave të tjera muzikore dhe lëvduan Zotin: "Sepse është i mirë, sepse mirësia e tij vazhdon në përjetësi", ndodhi që shtëpia, shtëpia e Zotit, u mbush me një re, 14 dhe priftërinjtë nuk mundën të rrinin për të shërbyer për shkak të resë; sepse lavdia e Zotit mbushte shtëpinë e Perëndisë.

Çfarë ishte kjo re?

Lavdia Shechinah e Perëndisë erdhi si një re dhe e mbushi tempullin.

- Nuk ishte e pandjeshme - por ishte e padukshme dhe e padëgjuar.
- Ezekieli pa lavdinë dhe ai ra.
- **Lavdia e Perëndisë, reja e Zotit, e mbushi tempullin dhe priftërinjtë nuk mundën të qëndronin.**

Quhet "i rënë në frymë" ose "Rënia nën fuqinë" biblike - PO!

JEZUSI ËSHTË ZOT!